

CONVENIO ENTRE A AXENCIA DE TURISMO DE GALICIA E O CONCELLO DE PONTE CALDELAS PARA A EXECUCIÓN DO PROXECTO CORRESPONDENTE Á ZONA TERMAL E PARQUE DO "PARQUE TERMAL DE PONTE CALDELAS" NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA-NEXTGENERATIONEU

O xerente de Turismo de Galicia

DECLARA:

Que esta Axencia Turismo de Galicia formalizou co Concello de Ponte Caldelas o instrumento convencional arriba referido por un período de vixencia que abrangue dende o día da súa sinatura ata o 30 de xuño de 2026.

Que o instrumento convencional ten por obxecto articular a colaboración entre as partes asinantes co obxectivo de executar a zona termal e parque pertencente ao "Parque Termal de Ponte Caldelas", con cargo aos Fondos Europeos procedentes do Mecanismo de Recuperación e Resiliencia, así como o importe necesario para a súa execución.

En concreto, este proxecto incluído na ACD Galicia, destino termal de referencia enmárcase no Obxectivo 219 da Decisión de Execución do Consello, relativo á adxudicación do orzamento para os Plans de Sustentabilidade Turística en Destinos, así como nos fitos 220, relativo á execución dos Plans de Sustentabilidade Turística en Destinos, e 221, relativo á finalización dos Plans de Sustentabilidade Turística en Destinos.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:



Primeiro.- O 21 de xullo de 2020, o Consello Europeo adoptou as Conclusións sobre o Plan de Recuperación e o marco financeiro plurianual para 2021-2027. Estas medidas xuntan o marco financeiro plurianual (MFP) para 2021-2027, reforzando a posta en marcha dun Instrumento Europeo de Recuperación («Next Generation EU»), cuxo elemento central é o Mecanismo de Recuperación e Resiliencia, establecido polo Regulamento (UE) 2021/241 do Parlamento Europeo e do Consello, do 12 de febreiro de 2021.

A instrumentación da execución dos recursos financeiros do Fondo Europeo de Recuperación realizarase a través do Plan de Recuperación Transformación e Resiliencia, aprobado por Acordo do Consello de Ministros do 27 de abril de 2021, e de conformidade co establecido pola Decisión de Execución do Consello relativa a aprobación da avaliación do plan de recuperación e resiliencia de España (Council Implementing Decision - CID), do 13 de xullo de 2021.

O Goberno de España ditou a Real decreto-lei 36/2020, do 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia e as Ordes HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia e HFP/1031/2021, do 29 de setembro, pola que se establece o procedemento e formato da información para proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do Plan de Recuperación, Transformación e Resiliencia.

Segundo.- Os Plans Territoriais elabóranse mediante un proceso participativo e de colaboración entre as tres administracións públicas competentes e os diferentes actores públicos e privados do ecosistema turístico do destino.

Do mesmo xeito, no marco da Estratexia de sostibilidade turística en destinos, aprobouse o Plan territorial de sostibilidade turística de vilas termais e cascos históricos de Galicia 2023, que ten como prioridade o impulso do turismo termal sostible en Galicia mediante o fortalecemento e a posta en valor dos seus recursos termais, naturais e culturais, destacando o seu valor como reclamo turístico, promovendo a xestión sostible



desde os destinos e potenciando os balnearios do territorio galego como un espazo de desenvolvemento turístico competitivo cuxa proxección e comercialización acaden o ámbito nacional e internacional.

O dito plan prevé como actuación de cohesión entre destinos (ACD), entre outras, a ACD Galicia, destino termal, que entre os obxectivos previstos persegue mellorar a comercialización e promoción dos balnearios e talasos de Galicia como experiencia turística, incrementando o posicionamento de Galicia como destino turístico no ámbito nacional e internacional neste sector.

Na reunión da comisión bilateral de seguimento do plan de data 24 de outubro de 2025, informouse de que os remanentes das convocatorias publicadas ao abeiro do dito plan, utilizaríanse para financiar proxectos de concellos que tiñan manifestado o seu interese na posibilidade de financiar proxectos en execución.

O Concello de Ponte Caldelas vai construír un Parque Termal nunha parcela da súa titularidade, situada na avda. do Balneario, xa que desde finais do século XIX ata principio do século XXI existiu neses terreos un balneario que, durante unha época, foi referente do termalismo e da hostalería galegas, e que foi tamén un motor do desenvolvemento económico e social da vila.

O obxecto do parque é, por unha banda, o de recuperar a cultura termal do municipio, coa instalación dunha pozas termais que funcionen, novamente, como elemento tractor e dinamizador do desenvolvemento socioeconómico da vila; e, por outra banda, o de devolver á veciñanza e aos visitantes o uso público dun espazo privilexiado a carón do río Verdugo, en forma de parque público.

A globalidade das actuacións previstas no "Parque Termal de Ponte Caldelas" cífranse en 1.500.000,00 €; e para o financiamento dunha parte deste orzamento, o concello ten subscrito un Convenio coa Deputación de Pontevedra, no marco do Plan Provincia Extraordinaria 2024.

A Axencia de Turismo de Galicia vai a subvencionar o proxecto correspondente á zona termal do parque: as pozas de auga termal, o acondicionamento da capela como espazo de interpretación da cultura termal, acondicionamento do parque e a edificación de



servizo da instalación termal.

-Na zona termal instalaranse cinco pozas coa auga termal procedente dos pozos existentes na parcela. A auga pasará por un proceso de filtrado e desinfección, antes da súa incorporación ás pozas.

Das cinco pozas, as dúas primeiras terán un carácter máis "lúdico", con chorros de aire e de auga, e as outras tres serán de relaxación.

As pozas funcionarán con bordes desbordantes que farán circular a auga entre pozas e cara canais de recollida que a levarán a un depósito de compensación, desde o que se recirculará unha parte da auga, para pasar novamente ao sistema de filtrado.

O conxunto completarse cunhas edificacións auxiliares que albergarán usos complementarios ás pozas: vestiarios, aseos, unha cantina, un cuarto de instalacións, e un almacén municipal

As pozas executarase cunha estrutura de muros de formigón de 25 cm, adaptando o formigón ás formas finais dos vasos (con asentos e escaleiras). O interior dos vasos e parte os bordes recubriranse cun azulexado de pezas pequenas, de 28x28 mm (gresite), previa regularización e impermeabilización da superficie de formigón.

Instalaranse elementos de seguridade (varandas) de aceiro inoxidable 316, apropiado para o contacto coas augas sulfurosas.

-No parque realizarase un acondicionamento lixeiro dos recorridos polo interior da parcela, cun pavimento de terra compactada, o suficiente para marcar os recorridos afectando o mínimo posible a naturalidade do terreo. Os camiños, que contarán cunha iluminación a nivel do chan con balizas, irán cosendo os puntos de interese ao longo da parcela (a zona termal, a capela, os accesos ao río, o acceso á avenida do Balneario, ...), xerando nalgúns deses puntos e en lugares de cruzamento pequenos espazos de sobra con iluminación, bancos e arborado.

-Respecto á capela realizarase unha primeira actuación de conservación, cambiando a cubrición e os revestimentos de fachada, e volvendo a encalar os paramentos interiores.



Diante da capela, entorno a uns castiñeiros, xerárase un novo punto de encontro, cun pequeno espazo pavimentado.

Terceiro.- Que a Comunidade Autónoma de Galicia, en virtude da competencia exclusiva en materia de turismo, atribuída polo artigo 27.21 do seu Estatuto de Autonomía, aprobado pola Lei orgánica do 6 de abril de 1981, desenvolveu, así mesmo no exercicio das súas competencias, diferentes actuacións coa finalidade de mellorar a situación turística das entidades locais promovendo plans, programas e normas para a modernización e adecuación da industria turística ás tendencias da demanda.

A Axencia de Turismo de Galicia é a entidade pública instrumental creada polo Decreto 196/2012, do 27 de setembro (DOG núm. 193, do 9 de outubro), como axencia pública autonómica, co obxectivo de impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

